

I. DISPOSICIÓN XERAIS

BANCO DE ESPAÑA

13572 *Circular 6/2014, do 19 de decembro, do Banco de España, pola que se aproban normas para a liquidación e o pagamento da taxa pola realización da avaliación global ás entidades de crédito.*

A disposición adicional décimo novena da Lei 10/2014, do 26 de xuño, de ordenación, supervisión e solvencia das entidades de crédito, crea unha taxa que grava a realización por parte do Banco de España das tarefas relacionadas coa avaliación global das entidades de crédito prevista no artigo 33.4 do Regulamento (UE) nº. 1024/2013 do Consello, do 15 de outubro de 2013, que encomenda ao Banco Central Europeo tarefas específicas respecto de políticas relacionadas coa supervisión prudencial das entidades de crédito. Os suxeitos pasivos desta nova taxa son as entidades de crédito incluídas na parte correspondente a España do anexo da Decisión do Banco Central Europeo, do 4 de febreiro de 2014, sobre identificación de entidades de crédito que están suxeitas á avaliación global (Decisión BCE/2014/3).

De acordo coa citada disposición, a taxa devindicarase, por unha única vez, o 31 de decembro de 2014, e corresponderalles ao Banco de España a súa liquidación e xestión recadatoria en período voluntario, e á Axencia Estatal da Administración Tributaria, en período executivo.

O ordinal noveno da mesma disposición adicional da Lei 10/2014, do 26 de xuño, habilita o Banco de España para ditar unha circular que desenvolva os aspectos necesarios para proceder á liquidación e ao pagamento da taxa.

En consecuencia, en uso das facultades que ten concedidas, o Consello de Goberno do Banco de España, por proposta da Comisión Executiva e de acordo co Consello de Estado, aprobou a presente circular, que contén as seguintes normas:

Norma 1. *Obxecto.*

A presente circular ten por obxecto a regulación dos aspectos necesarios para proceder á liquidación e ao pagamento da taxa prevista na disposición adicional décimo novena da Lei 10/2014, do 26 de xuño, de ordenación, supervisión e solvencia das entidades de crédito.

Norma 2. *Suxeitos pasivos.*

De acordo co previsto no ordinal terceiro da disposición adicional décimo novena da Lei 10/2014, do 26 de xuño, de ordenación, supervisión e solvencia das entidades de crédito, os suxeitos pasivos da referida taxa son as entidades de crédito incluídas na parte correspondente a España do anexo da Decisión do Banco Central Europeo, do 4 de febreiro de 2014, sobre identificación de entidades de crédito que están suxeitas á avaliación global (Decisión BCE/2014/3). No caso das caixas de aforros incluídas na dita parte do anexo, considerarase suxeito pasivo o banco ao cal estas traspasasen o seu negocio financeiro.

Norma 3. *Liquidación.*

A taxa será liquidada polo Banco de España antes do 31 de xaneiro do ano 2015, de acordo coa información de que dispoña sobre o importe dos activos totais dos grupos consolidables en que estean integrados os suxeitos pasivos declarados ao Banco de España en 31 de decembro de 2013, para o cal seguirá o modelo que figura incorporado como anexo a esta circular.

Norma 4. *Pagamento.*

O pagamento da taxa a que se refire esta circular deberase realizar, nos prazos previstos no artigo 62 da Lei 58/2003, do 17 de decembro, xeral tributaria, e serán para o período voluntario os seguintes:

- a) Se a notificación da liquidación se realiza entre os días un e 15 do mes, desde a data de recepción da notificación ata o día 20 do mes posterior ou, se este non for hábil, ata o inmediato hábil seguinte.
- b) Se a notificación da liquidación se realiza entre os días 16 e último do mes, desde a data de recepción da notificación ata o día cinco do segundo mes posterior ou, se este non for hábil, ata o inmediato hábil seguinte.

Norma 5. *Medio de pagamento.*

O pagamento deberase realizar mediante transferencia desde a conta do módulo de pagamentos da cal sexa titular o suxeito pasivo no sistema TARGET2-Banco de España, á conta titularidade do Banco de España que se comunicará na liquidación correspondente.

Disposición derradeira. *Entrada en vigor.*

A presente circular entrará en vigor o día seguinte ao da súa publicación no «Boletín Oficial del Estado».

Madrid, 19 de decembro de 2014.–O Gobernador do Banco de España, Luis María Linde de Castro.

ANEXO

Modelo de liquidación



Taxa pola realización da avaliación global ás entidades de crédito prevista na disposición adicional décimo novena da Lei 10/2014, do 26 de xuño, de ordenación, supervisión e solvencia das entidades de crédito

IDENTIFICACIÓN	NIF	Devindicación	Exercicio						
	Razón social do suxeito pasivo:		<table border="1" style="display: inline-table;"> <tr> <td style="width: 20px; text-align: center;">2</td> <td style="width: 20px; text-align: center;">0</td> <td style="width: 20px; text-align: center;">1</td> <td style="width: 20px; text-align: center;">4</td> </tr> </table>				2	0	1
	2	0	1	4					
	Rúa:	Núm.	Esc.	Piso	Porta				
Municipio:	Provincia			Código postal					

LIQUIDACIÓN	<p>Base imponible (Importe dos activos totais do grupo consolidable en que estea integrado o suxeito pasivo en 31 de decembro de 2013)</p>			
	<p>Tipo de gravame</p>	<p>×</p> <table border="1" style="display: inline-table;"> <tr> <td style="width: 40px; text-align: center;">0,01048</td> <td style="width: 40px; text-align: center;">por mil</td> </tr> </table>	0,01048	por mil
	0,01048	por mil		
<p>Cota tributaria</p>				

ÓRGANO LIQUIDADOR	____ o ____ de ____ de ____	PAGAMENTO	Importe euros: <table border="1" style="display: inline-table;"> <tr> <td style="width: 20px; text-align: center;">1</td> <td style="width: 40px;"></td> <td style="width: 40px;"></td> </tr> </table>	1		
	1					
Selo e/ou sinatura	Forma de pagamento: mediante transferencia desde a conta do módulo de pagamentos da cal sexa titular o suxeito pasivo no sistema TARGET2-Banco de España, á seguinte conta titularidade do Banco de España:					

Exemplar para o Banco de España

Carácter da liquidación

Esta liquidación ten carácter definitivo.

Prazo para efectuar o pagamento

O pagamento da débeda tributaria débese realizar nos prazos previstos no artigo 62 da Lei 58/2003, do 17 de decembro, xeral tributaria, e serán para o período voluntario os seguintes:

- a) Se a notificación da liquidación se realiza entre os días un e 15 do mes, desde a data de recepción da notificación ata o día 20 do mes posterior ou, se este non for hábil, ata o inmediato hábil seguinte.
- b) Se a notificación da liquidación se realiza entre os días 16 e último do mes, desde a data de recepción da notificación ata o día cinco do segundo mes posterior ou, se este non for hábil, ata o inmediato hábil seguinte.

Medio de pagamento

Mediante transferencia desde a conta do módulo de pagamentos da cal sexa titular o suxeito pasivo no sistema TARGET2-Banco de España á conta correspondente titularidade do Banco de España.

Consecuencias da falta de ingreso en período voluntario

O vencemento do prazo de ingreso en período voluntario sen ter satisfeito a débeda tributaria determinará o inicio do procedemento executivo, coa aplicación dos xuros de demora e as recargas que corresponda, que serán exixidos polo procedemento de constrinximento, de acordo co previsto no artigo 160 e seguintes da Lei 58/2003, do 17 de decembro, xeral tributaria, e no artigo 69 e seguintes do Real decreto 939/2005, do 29 de xullo, polo que se aproba o Regulamento xeral de recadación.


BANCO DE ESPAÑA
Eurosistema

Taxa pola realización da avaliación global ás entidades de crédito prevista na disposición adicional décimo novena da Lei 10/2014, do 26 de xuño, de ordenación, supervisión e solvencia das entidades de crédito

IDENTIFICACIÓN	NIF:	Devindicación	Exercicio						
	Razón social do suxeito pasivo:		<table border="1" style="display: inline-table;"> <tr> <td style="width: 20px; text-align: center;">2</td> <td style="width: 20px; text-align: center;">0</td> <td style="width: 20px; text-align: center;">1</td> <td style="width: 20px; text-align: center;">4</td> </tr> </table>				2	0	1
	2	0	1	4					
	Rúa:	Núm.	Esc.	Piso	Porta				
Municipio:	Provincia			Código postal					

LIQUIDACIÓN	Base imponible	
	(Importe dos activos totais do grupo consolidable en que estea integrado o suxeito pasivo en 31 de decembro de 2013)	×
		0,01048 por mil
	Tipo de gravame	=
	Cota tributaria	

ÓRGANO LIQUIDADOR	____ o ____ de ____ de ____ <div style="border: 1px solid black; width: 100%; height: 100%; display: flex; align-items: center; justify-content: center;"> Selo e/ou sinatura </div>	PAGAMENTO	Importe euros: <table border="1" style="display: inline-table;"><tr><td style="width: 20px; text-align: center;"> </td><td style="width: 60px;"></td><td style="width: 20px;"></td></tr></table>			
	Forma de pagamento: mediante transferencia desde a conta do módulo de pagamentos da cal sexa titular o suxeito pasivo no sistema TARGET2-Banco de España, á seguinte conta titularidade do Banco de España: <div style="border: 1px solid black; width: 100%; height: 30px;"></div>					

Exemplar para o suxeito pasivo

Carácter da liquidación

Esta liquidación ten carácter definitivo.

Prazo para efectuar o pagamento

O pagamento da débeda tributaria débese realizar nos prazos previstos no artigo 62 da Lei 58/2003, do 17 de decembro, xeral tributaria, e serán para o período voluntario os seguintes:

a) Se a notificación da liquidación se realiza entre os días un e 15 do mes, desde a data de recepción da notificación ata o día 20 do mes posterior ou, se este non for hábil, ata o inmediato hábil seguinte.

b) Se a notificación da liquidación se realiza entre os días 16 e último do mes, desde a data de recepción da notificación ata o día cinco do segundo mes posterior ou, se este non for hábil, ata o inmediato hábil seguinte.

Medio de pagamento

Mediante transferencia desde a conta do módulo de pagamentos da cal sexa titular o suxeito pasivo no sistema TARGET2-Banco de España á conta correspondente titularidade do Banco de España.

Consecuencias da falta de ingreso en período voluntario

O vencemento do prazo de ingreso en período voluntario sen ter satisfeito a débeda tributaria determinará o inicio do procedemento executivo, coa aplicación dos xuros de demora e as recargas que corresponda, que serán exixidos polo procedemento de constrinximento, de acordo co previsto no artigo 160 e seguintes da Lei 58/2003, do 17 de decembro, xeral tributaria, e no artigo 69 e seguintes do Real decreto 939/2005, do 29 de xullo, polo que se aproba o Regulamento xeral de recadación.